

Foola wadrefhdrga han da hɔd

# TESALONIİK TIIBA

kee

————— B' ba wadgankenan bii —————

*Foola hɔda wadgankena Tesaloniik Krista tiiba. Noogree kaann yelmaa nnii han da hɔd-ka wú n Silaaswu n Timotee bà ba Kɔrɛent kɔrgun. Hà lil hà wadnoogreen gwɛet t' hel Berm Yeesu Krista ηmetgnm goor tii. Biilm, gwɛetii da la keda n nɔngan ka haam kan Krista tiiba. Bá ni biiba da bɔhɔɔ na goorii fetg getgm, na tant difm taann, volba t lag n ka kir ηmɛɛgt hɛb. Lee, Foola t nan hoorm-ba wadgankena na hà maantr welee diilbɛhee.*

- *Hubi1<sup>gan</sup>, Foola keda n nɔngan ka jahra Tesaloniik Krista tiiba bà gwɛet hɛn tiim kaa, n ban kpat n ka mad-m bà la dadra-ba lee.*
- *Hubi2<sup>gan</sup>, Foola keda n nɔngan ka higaa Krista ηmetgnm goorii jugun. Lee, há ka bɔhɔɔ-ba na ka bo na goorii taanaa, l' ba na hii hà vida Sangband jugun wii ree hayen hà werii.*
- *Hubi3<sup>gan</sup>, Foola gbaama-ba na bá seejɔm há hɛn. Hà ta gbaama-ba na bá dodgm bayen n biiba bà kpaa bag na bà hɛm bii ka diila na l' mɛnguu difm ba nyɔh bee.*

## Seenb

**1** <sup>1</sup> Man Foola, n nan Silaaswu n Timotee t' hoora ka seenja Tesaloniik kpaturu hú ba na t' Sa Sangband n Berm Yeesu Krist rehu huu. <sup>2</sup> T' Sa Sangband n Berm Yeesu Krist bà hɔmgu n bà nigiiigu bɛm n`man!

### Saberma nan kena na hà yaa tant n yaagu

<sup>3</sup> Teelba-n, l' ba na t' seejɔm Sangband hɛrufh n`kaa na dii fiara ηmɛɛgb. L`magra na t' hɛm welee l' bahr n na n`gwɛet hɛn tiim keda n nɔngan, sɔklb nn ba n taa bii berɔa goor wo goor.

<sup>4</sup> Lee, t' ka jahra tyen n`kaa Sangband kpaturi volhiin l' bahr n na n`la mada n`gwɛet hɛn tiim bà wen la dadra-n ka lɔɔ-n kunyɔɔju lee wen. <sup>5</sup> Welee weraa na Sangband ba sɔbb d`yaagun. D`hɛna welee na n`magr na n`nan jib d`huraantn. Tii kaa nnii nn ju kunyɔɔju. <sup>6</sup> Biilm, Sangband ba sɔbb d`yaagun. D`kee d`he na bɛhgu lor bà lɔɔ-n kunyɔɔju bee hɛn, <sup>7</sup> l' saa d`si t`n nn vohoor, nen nen ju kunyɔɔju nen. L`mɛnguu nan geta goor Berm Yeesua nn nan rea hayen hà werii dii. Hà nan rɛna n sangbambiimn wú n hà \*tumtba bà ba n gemmnt <sup>8</sup> ka ba boglawiilmn, hà dar bà kpaa bag na bà miig Sangband ka ta kpaa vala t' Berm Yeesua Gohɔmt bee tobr. <sup>9</sup> Hà nan daraa bà tobr, bà hom wiiru l' kpaa difhaa, ka ba vɔku n Berma n nan hà gemmnt nyɔkb <sup>10</sup> goor han nan kena na há reba jeenjɔm-wu, na bá tia há hɛn bee mɛmbɛɛ tɔfr-wu. N`daa n`ta bɛm bà huuga l' bahr n na n`tii gwɛet tn werii-n tii jugun.

<sup>11</sup> Tii kaa nnii tn seenja hɛrufh n`jugun na Sangband saa na n`magr, na n`neer neerm dn hɔh-n miin! T`ta seenja na d`gemmnt tɔrg-n na n`hɛm hɔmgu n`gwɛet hɛn tiim nn hɛfr-n na n`hɛm kuu!

<sup>12</sup> Lee wen lee, t' Berm Yeesua sɔhdg jeenjɔb n`kaa, l' saa wii ta jeenjɔ-n. T' Sa Sangband n Berm Yeesu Krist bà hɔmgu nnii.

### B' nan kena Saberma daanm nɔngan bii

Te II

**2** <sup>1</sup> Teelba-n, bii b' hel t' Berm Yeesu Krista daanm goor n nan tn ba t' kpogl taa hà man bii lee, t' jobla-n na <sup>2</sup> n`daa saa nyen kpidláa na hii hamtr n`diila, laa hii toodg n`kwɛɛwr n fohmgan gwɛet tiit, laa n govont tiit, laa n wadga kiiga ka bɔhɔɔ na ten hɔda-ka l' weraa na goorii fetg taanm. <sup>3</sup> Hii daa hogl-n felah'! Goorii nan kpaɔ d`taan nidba kɔd ban gwid Sangband kaawr, nidbɛhgu Sangband nn nan kuu kpaalaa kuu ban ree kuyen n werii. <sup>4</sup> Nidbɛhguu kee kù vidg Sangband jugun, kù kolg kuyen bii nidba nn lɔg na Sangband ka door b`tiɔa bii mɛmbii jugu faaga, kù san kù kad \*Sangband haarn kù bɔhɔɔm na kuu nnii Sangband. <sup>5</sup> Mà da fetg-n-t bɔhɔɔb mà wen da ba n`man. ¿ N`kpaa deer welee?

<sup>6</sup> ¿ Ndee n`miil bii b' mad-ku na kù daa ree kuyen kù werii kù goor ban taan biin? <sup>7</sup> Kun la ban taan lee, kù gemmnɛɛft hɛwra n ηmɛɛgt hɛb fohmgan. Bii b' mad-ku bii nn kee b`bɔr lee, <sup>8</sup> kù ree kuyen kù werii. Lee wen lee, Berm Yeesua gwɛɛl gwɛɛluf', hà kuu-

ku, hà ree hà gemmnt ka tagaa n hà daanm wiinga. <sup>9</sup> Nidbehguu kee kù daan ka ba n \*Saatana gemmnt, kù hèm ημερημεgt n hoolgu n nan hεb biib b`hogla nidba<sup>z</sup>. <sup>10</sup> Kù kee kù tag n hurhii menhii kù hogl biiba bà heewr n boorb l` bafir n na bà ba sòkl n tii gobiint gwεet t` ba t` dah bà juuni tii. <sup>11</sup> Tii kaa nnii Sangband nn ta fεla ka saa d` gemmnt fiwla-ba na bá tiim gokaat jugun, <sup>12</sup> ka bo na d` nan dar bà tobha l` bafir n na bà mēmbēe kida gobiint n ka sòkla behgu hεb.

**Hafir-n gwεet hεn tiimn!**

<sup>13</sup> Ten lee, teelba-n, t` ba t` seeijm Sangband herufh na dii heru ημεεgb, nen Berma nn sòkla nen n` kaa. Biilm, Sangband kotg n hoh-n na n` bεm noogrba ln dahr bà juuni bee. D` heru welee na n` bεm d` reba ka tagaa n \*Vofoom Buudm n nan n` gobiint gwεet hεn tiim nn ba n mii. <sup>14</sup> D` hoh-n na n` bεm welee ka tagaa n Gohomt tn fan-n tii ka bo na n` yuuy n` kaalaja t` Berm Yeesu Krista nyokbn. <sup>15</sup> Lee, teelba-n, kpat-n ka mad kimm weriib tn to-n bii, mi na nn homr t` noon tii laa nn kal t` wadiin tii.

<sup>16</sup> T` Sa Sangband sòkl-t n safm-t kwεewdoolgm m` bee kakefnan mii yem n daaghomb. T` gbaama wú n t` Berm Yeesu Krista móm na, <sup>17</sup> bá hugl n` kwεewa n ηmeenm, bà si-n gemmnt ka bo na n` hεm hómgu n` ημεεgt mentn n nn ba n` bohoom tii mentiin!

**Joblm-n Sangband t` jugun!**

**3** <sup>1</sup> Teelba-n, gwelja lee, t` guur tii nnii na n` seeijm Sangband t` jugun na Berma gwεet yadgm weem weem tigvolheen bà vala-t wo ln ta gεtg n` man lee. <sup>2</sup> Ta seeijm-n t` jugun na Sangband ree-t nidbehba n niddalmba nihin, l` kotod na lag baaben tia beel n gwεet hεn tiim. <sup>3</sup> Bermwii bohoo gwεet n hεm t` jugun. Hà kee hà hahlg-n, hà kaagm n` hεn na Kunida daa tarm n` hεn. <sup>4</sup> Berma hεna t` daag n` jugun. Wii beel hà saa na n` hεm bii tn gbaama-n na n` hεm bii, na n` ta ba n` hεm-b kakefnan. <sup>5</sup> Berma saa n` miig na Sangband sòkla-n, na n` la bεm n kwεewdeb fan safh bii!

2.9 Nyaan Matewa 24.24.

**Hēm-n ημεεgb t` dela!**

<sup>6</sup> Teelba-n, gwelja t` gbaama-n Berm Yeesu Krista hidrn na n` dar riyen n teel hà kpaa bag na hà hēm bii ka neer l` kpaa magr wo tn da werii-n lee wii. <sup>7</sup> N` momba n` miil lan nnii ln ba na n` neer na n` kotg t` nakpaɲa lee. T` wen da ba n` man, t` da kpaa waama, <sup>8</sup> hii da kpaa dow-t yem. Yanta, t` da jaarja tyen ka hεna ημεεgb nyingu n muunu l` giid-t, ka bo na t` daa neer n` ni hii jugun. <sup>9</sup> Lag na l` da ba si huru na n` dom-t, gwentaɲ, t` da neera welee ka bo na n` kotg t` nakpaɲa. <sup>10</sup> T` wen da ba n` man, t` da bahl-n na hii há kpaa bag na hà hēm bii wii daa ta jum bii! <sup>11</sup> Ngu t` kewii na n` ni biiba kpaa bag na bà hēm bii. Bà reb hεna n jah bii nnii na bà jibm volba gwεetn. <sup>12</sup> Berm Yeesu Krista hidrn, t` gbaama welee tiibee ka tɔɔ-ba wadndina na bà hēm ημεεgb bá sòklbn ka bo na bà jum bayen bà diit.

<sup>13</sup> Teelba nen lee, hēm-n hómgu l` kpaa giid-n! <sup>14</sup> Ka n` ni hii kpaa vala gwεet tn hod wadgankenat tii, n` miig-wu, n` riir hà hoogun ka bo na jiwfi kpal-wu. <sup>15</sup> Daa la log-n-wu wo n` rafeeda, kpal-n-wu kpaluh' na n` teeln!

**Seenkaawrb**

**Tell**

<sup>16</sup> Berma safh nigigu, wii mōma safm-n nigigu ka l` la ba lanah'! Berma bεm n` man!

<sup>17</sup> Man Foola, man hōora ka seenja-n. Welee nnii man figaa mà nufu mà wadhii menhiin. Mà hoorb nnii.

<sup>18</sup> T` Berm Yeesu Krista hómgu bεm n` mēmbēe n` man!